



UNIVERSITÄTS-  
BIBLIOTHEK  
PADERBORN

**D. D. Emanuelis Gonzalez Tellez, In Inclyta Salmanticensi  
Academia Collegii Majoris Conchensis Alumni, &  
antiquioris vespertinæ Sacrorum Canonum Cathedræ  
propriarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Tertium

**González Téllez, Emanuel**

**Francofurti Ad Moenum, 1690**

Capvt IX. Innocentius III. (a) Cap. Rugasino.

---

[urn:nbn:de:hbz:466:1-74526](https://nbn-resolving.org/urn:nbn:de:hbz:466:1-74526)

## CAPVT VIII.

(a) Cælestinus III.

EX parte vestra nostro Apostolatu fuit referatum, quod licet dilectus filius N. (b) Cenoman. Archidiaconus sit Ecclesiæ vestræ Decanus, tamen quod in partibus Gallicanis (c) sibi potius habitationem elegit jam per annorum (d) decem spatium, vestra Ecclesia ipsius præsentiam habere nequivit. Quia igitur nolumus, ut eadem Ecclesia Decani officio defraudetur, universitati vestræ per A. S. m. quat. Archidiacono memorato scribatis, ut Ecclesiam vestram visitare dignetur, & suum ibidem, ut Decanus, officium debeat exercere. Quod si forte vocatus venire noluerit, eligendi Decanum, qui præesse vestræ Ecclesiæ valeat, & prodesse, ex tunc vobis concedimus liberam facultatem.

## NOTÆ.

(a) Cælestinus. ] Ita etiam legitur in secunda collectione, sub hoc tit. cap. 3. addendum tamen est, Capitulo Magdeburgensi, ut notavit Cujac. in præsent. Archidiaconus enim N. Cenomanensis, de quo in præsent. tempore Cælestini nostri erat simul Decanus Magdeburgensis majoris Ecclesiæ, & Innocentius III. successor Cælestini illi indulgit, ut possit residere in Archidiaconatu, & Decanatum simul retinere constituit, ibi: *Gerentes erga te pia compassionis affectum, personam tuam cum omnibus, que in præsentiarum rationabiliter possides, sub B. Patri, & nostra protectione suscipimus, specialiter autem Decanatum ipsum Magdeburgensis Ecclesiæ, sicut ipsum iuste ac pacifice possides, devotionis tue auctoritate Apostolica confirmamus, & præsentis scripti paginâ communimus, mandantes, ut quod per te non poteris adimplere, per idoneam vicarium exequaris. Nulli ergo, &c. Datum Laterani. VI. Kal. April. P. N. anno 11.* Unde ex dispensatione Pontificia ipse N. retinebat simul Archidiaconatum, aliâ jure communi utramque dignitatem retinere non poterat, cap. ad hoc 13. de præbend.

(b) Cenomanensis. ] De qua Ecclesia nonnulla congesti in cap. 5. de rescriptis.

(c) Gallicanis. ] Ubiconvetudine introductum erat, ut posset quis diversas dignitates in diver-

sis Ecclesiis obtinere, ut refertur in cap. cum non ignores, 15. de præbendis.

(d) Annorum decem. ] Non quia desideretur tam diuturna absentia, ad privationem beneficii, seu præbendæ; sed potius ita de facto contingit, ut in cap. 2. hoc tit. refertur per quinquennium Cardinalem abfuisse à parochia propria; & in cap. qualiter, 5. sequenti dicitur, Archiepiscopum Ragusensem per quadriennium abfuisse; & Innocentius III. ab. 1. epist. scribit Cisterciensi, & Tullensi Abbatibus, quod m. neant Theaurarium Byzantinum, quod resideat, aliâ si per biennium abfuerit, alium substituunt. Et si dicas, quomodo poterit Decanus iste citari à Capitulo, cum inferior in superiorem, vel par in parem non habeat imperium, cap. cum inferior, 16. de majori. & obed. Respondeo cum Panormitano hic, omnia gesta in præsent. casu auctoritate Cælestini fuisse firmata, aliâ Capitulum non posset ad electionem procedere. Potest tamen capitulum monere suum Prælatum absentem, ut resideat, cap. qualiter, 9. hoc tit. quamquam enim non possit eum citare, vel punire, potest tamen eum requirere, seu revocare; non tamen per eam requisitionem constituitur Prælatus in mora, nisi à superiore legitimo admoneatur, nec, interim, dum à superiore non privatur Ecclesiâ, in qua non residet, potest Capitulum alium eligere Prælatum, ut notantur in præsent. Hostiensis & Alexander de Navo.

## CAPVT IX.

Innocentius III. (a) Cap. Ragusino.

Qualiter Archiepiscopus vester temeritate propria recessit ab Ecclesia Ragusina, nec jam ultra quadriennium expectatus redierit, per litteras nostras etiam revocatus, vestra universitas plenè novit, cum sæpius apud nos deposueritis super hoc querelam, & vobis concedi postulaveritis licentiam eligendi. Nos autem expectantes, diutius duximus expectandum, si forte reverteretur ad cor, & ad Ecclesiam suam, quam taliter reliquerat, remeare. Nolentes igitur, quod diutius Ecclesia ipsa pastoris maneat solatio destituta, disc. v. per. A. s. m. atque precipimus, quat. nisi forsitan jam redierit, vos post mensem à receptione præsentium personam vobis idoneam in Archiepiscopum eligatis, & electionem vestram nobis curteis quamcitiùs præsentare.

D. D. Gonzal. in Decretal. Tom. III. Pars I.

R 3

NOTÆ.

## NOTÆ.

1. (a) **R** *Agusino.* ] Ita etiam legitur *sub hoc tit. cap. 1. in 3. collect.* Ragusinenſis Eccleſia

fuit Archiepiſcopalis in Sclavonia, Metropolis Illyrici, habens ſuffraganeas Eccleſias Stanenſem, Boſonenſem, Tribunienſem, Biduanenſem: fert Carolus à ſancto Paulo in *Geograph. ſacra, ad ſinem fol. 18.*

## CAPVT X.

## (a) Idem Constantinopolit. Patriarcha.

**I**Nter quatuor animalia. *Et infra:* De clericis autem, qui Eccleſias, vel præbendas ſibi conceſſas, ſine juſta, & neceſſaria cauſa, tuo præſertim non accedente conſenſu in hac deſerunt (b) novitate, hoc tibi duximus reſpondendum, quod poſtquam congruo tempore fuerint expectati, niſi redierint ad illas, poſſunt eis juſte priuari, dum modo non ſint juſto impedimento detenti.

## NOTÆ.

1. (a) **I** *Dem.* ] Ita etiam habetur in 3. *collect. sub hoc tit. cap. 2.* epigraphen autem hanc expoſui in *cap. inter, 2. de majoris. & obed. & integram*

epiſtolam retuli in *cap. inter, de clericis, peregrin.* (b) *Novitate.* ] Cùm videlicet Conſtantinopolis capta fuit à Latinis, ut retuli in *dict. cap. inter quatuor,* & fuſè narrat Boſquetus in *geſtis Innoc. III.*

## CAPVT XI.

## (a) Idem Archiepiſcopo Patraccenſi.

**E**X tua devotionis inſinuatione recepimus. *Et infra:* In Eccleſiis autem eorum, qui ſe fraudulentè abſentant, nec ad ipſos valet citatio pervenire, trinæ citationis edictum facias publicari, & ſi nec ſic curaverint obedire, ſi ultra ſex meſes ſuas deſeruerint Eccleſias, ut juxta canonicas ſanctiones eis debeant meritò ſpoliari. Contra eos quoque, ſicut ſuprà dictum eſt, etiam procedatur, ut ipſos poſt ſuſpenſionis, & excommunicationis ſententias, ad tuam obedientiam venire compellas. Quod ſi nec ſic illorum malitia poterit emolliſi, eos dil. f. B. tit. ſanctæ Suſannæ preſbyter Card. Apoſt. Sed. Leg. ab ſpiritualium adminiſtratione removeat, & quibus præſunt Eccleſiis, de perſonis idoneis faciat provideri, & in eos degradationis ſententiam non promulget, ut cum eis miſericorditer, ſi expediat, facilius agi poſſit.

## NOTÆ.

1. (a) **P** *Patraccenſi.* ] In hac ſexta collectione legitur Panormitano, & D. Rochus Pirrhoroſm. 1. *Sicilia ſacra, in Eccleſia Panormit.* exiſtimat Innocentium III. in præſenti ſcribere Patriſio Archiepiſcopo Panormit. ſed veriùs credo, legendum eſſe *Patraccenſi*; unico, & magno ductus fundamento; nam Benedictus Cardinalis tituli ſanctæ Suſannæ, cujus mentio fit in præſenti, temporibus Innocentii Legatus S. A. debebat in Patraccenſi Metropoli, non verò in Panormitana, ut ex geſtis Innocentii III. ſtatim referendis apparebit. Unde cum Patraccenſi Archiepiſcopo alloqui Innocentium in præſenti neceſſariò deducitur. Patras civitas, Pauſaniùs & Stephano teſtibus, priùs Arce, dicta eſt, recenſeturque inter primas urbes Achajæ; ſed ejectis Jonibus ab Achais, Patreus Preugenis filius, Ageronis nepos, qui ab Amycla & Lacedæmone majores deducebat, à victo monium ambitu hanc de ſuo nomine Patras appellavit. Situs ejus eſt in longiſſimo Peloponneſi præ-

montorio, ex adverſo Etoliæ, & Eveni fluminis; maximèque apud antiquos fuit celebris ex martyrio D. Andree Apoſtoli, qui ſub Ægea Proconſule apud eam paſſus eſt; nec non ex Sede Metropolitana, quam in ea olim fuiſſe evidenter probat notià Conſtantinopolitana prædicta apud Leumclavium; ſiquidem in ejus ſine inter Metropoles à Romano Patriarchatu ab ipſis avuſas, Conſtantinopolitanoque ſubditas recenſetur. Sed longè priùs ad hunc Metropolis gradum, ſaltem quoad honorem, eventam eſſe, non leviter conſicio ex catalogo Metropolitaram, ad quos ſcripſit Leo Imperator, qui in ſine Concilii Chalcedonenſis extat, in quo Patraccenſem Episcopum inter eos videre eſt. Hunc inter ſuffraganeos Metropolitæ Corinthiorum, epiſtola ſynodica Achajæ ſubſcripſiſſe non diſſiteor; ſed quamvis ex hoc factis clarè probeatur, eum ſuffraganeos non habuiſſe hujus Concilii tempore, nihil tamen obſtat, quo minus inter Metropoles honorarios locum habere, qui tunc Corinthiorum vero Metropolitæ parebant; & inter ejus ſuffraganeos